



Minggu, 03 Juli 2022
Ogen: Kuan-kuanen 3:9



Mehamat man Tuhan



Lit sekalak anggota partai isungkun ketuana, “Bicara lit senndu 2 milyar, kai nge silakokenndu?”. Nina anggota partai ndai njababsa,” sada milyar kupakeken, sada milyar nari kubereken man partai enda.” “Merandal adi bage, nina ketuana. “Bicara lit rumahndu 2 unit, kainge silakokenndu?” “Sada kupake, janah sada nari kubereken man partai enda guna jadi kantor.” “Mantap adi bage, nina ketua partai. “Bicara lit 2 pasang sepatundu, kai nge silakokenndu?”. E nggo mulai jebab ras sinik anggota partai ndai. “Ndai kenca kusungkun kam si dua ndai, pedas-pedas kal jabapndu, gundari engkai maka kam bagi si ragu?”. “Bagenda ketua, labo lit senku 2 milyar, rumahku pe labo lit 2 unit, tapi lit kap 2 pasang sepatuku janah perlu denga aku e maka mberatsa nge adi kubereken man kalak sideban. Mere si lit i bas kegeluhenta janah si lit e perlu denga kal kita labo iakap mesunah ngelakokensa. Sukahen nge erbicara-bicara asangkan mere alu nyata i bas geluhta. Bagi turi-turin i datas, adi erbicara-bicara, nukah ngatakensa ateku mere.... Tapi seh ku kinatana...payo mesera tuhu.

I bas teksta isingetken mulihi maka nehken persembahen man Tuhan e me tanda kita mehamat man Tuhanta e. Engkai maka kita arus mehamat? Sabap Ia nge si mada kerinana, ia me si mereken kasakai si lit ibas kita. Labo lit gegeh ras geluhta. Ikataken maka mpersembahkan ulih jumandu, ise kin manusia banci nepa taneh adi la kin taneh inganta nuan-nuan Tuhan nge si nepasa. Persembahen sibereken man Tuhan labo erkiteken Tuhan kekurangan tapi erkiteken pengataken bujur janah kehamatenta man baNa erkiteken nggo leben Ia mereken kerinana man banta terutama kegeluhenta enda. Kita wajib nggalar listrik, lau ras internet tiap bulanna bage ka pe pajak rumah, taneh ras kendaraan tiap tahunna. Kerina lit tarifna. Bicara Tuhan buka rekening dingen mindo tarif kegeluhen man banta, asakai nge si arus sigalari baNa? Tetapi Tuhan labo mindo uang tarif man banta, si ipindoNa terjeng persembahen pengataken bujur selaku kita mehamat man baNa.

Kata ‘think’ (berpikir) dan kata ‘thank’ (bersyukur) berasal dari akar kata bahasa latin yang sama. Jika kita meluangkan waktu untuk berpikir lebih banyak, maka kita jelas akan bersyukur lebih banyak lagi. (John L. Mason, Mustahil Menjadi Mungkin, 150